pièce 2



EXAMEN DES PRINCIPAVX Pointes du Factum publié par Monsieur Ioly.

N l'article premier il dit, que Monsieur Obry luy a fait proposer la permutation de leurs Benefices par Monsieur Feret.

Au contraire, il est constant que Monsieur Feret en a fait parler deux sois à Monsieur Obry par Madame de Marillac, & que ledit sieur Feret en a luy-mesme parlé à Monsieur Obry, auant que iamais il eût conneu le sieur Ioly.

En l'article second, Monsieur Ioly dit qu'il refusa d'abord la proposition, mais qu'ensin la sollicitation de plusieurs personnes de condition, & le conseil de Monsieur l'Euesque d'Alect son Dire-

Eteur luy firent consentir.

Il n'estoit pas besoin de tant de choses pour le resoudre, mais il falloit faire toutes ces grimaces, pour donner de bonnes impressions à Monsieur Obry que l'on vouloit surprendre.

Article 3. Monsieur Ioly dit, que dans la premiere Conference qui fut faite chez Monsieur Feret, Il mit le bail de la Tresorerie entre les mains de Monsieur Obry, & luy declara que les payemens se reculoient, & que le Chasteau de Terines estoit brussé.

Il n'est pas vray que l'on ait remis le bail de la Tresorerie entre les mains de Monsieur Obry à la premiere Conference: il s'en estoit fait deux ou trois auant cela, pendant lesquelles on ne l'auoit entretenu que de l'excellence de ce Benesice: mesmes pour l'empescher de faire quelque enqueste qui le peust détromper, on le pria tousiours de tenir la chose secrete; Et ensin quand son esprit sut preparé, on luy sit voir ce bail pretendu comme la preuue de ce qu'on luy auoit dit de la valeur de la Tresorerie: Pour le reculement des payemens, il a conneu depuis que c'estoit vne chose sausse: & pour le Chasteau de Terines, encore que l'on luy ait declaré l'incendie, on ne s'est pas mis pour cela en deuoir de le reparer comme on y estoit obligé.

A

Article 4. Monsieur Ioly dit, que la permutation ayant esté examinée dans une premiere Conference, sut executée dans une seconde sans aucune stipulation, & par une simple resignation re-

pettine des Benefices.

Il est vray qu'il n'y a rien eu d'escrit entre les parties. Mais il ne s'ensuit pas qu'il n'y air point eu de stipulation & de promesses respectives: car de son costé Monsieur Obry proposa la Cure de Sainct Nicolas des Champs, asseurant qu'elle estoit de neuf à dix mil liures de reuenu: de sa part Monsieur Ioly proposa la Tresorerie de Beauuais comme vn Benefice simple de cinq mil deux cens liures de rente. Or il est constant que les resignations respectives en ont esté faites sur la foy de ces propositions, & qu'elles ont seruy de fondement à la permutation, consequamment il faur que chacun execute ce qu'il a promis. Au reste Monsieur Ioly se deuroit souvenir de ce qui fut dit à Monsieur Obry, quand il demanda qu'vn Notaire Apostolique reduisit leurs promesses mutuelles par elcrit, on luy representa que la bonne foy estoit le lien des Ecclesiastiques, que leur parole valoit vn concordat, & qu'enfin on ne pouvoit escrire en matiere de permutation, sans s'exposer à quelque simonie.

Article 5. Monsieur Ioly dit, que Monsieur Obry luy sit signisier une renocation un mois apres la permutation, & qu'il luy escriuit en mesme temps, que ce n'estoit pas pour empescher l'effet de

saresignation, mais parce qu'il craignoit la regale.

Monsieur Obry n'auoit point de regale à craindre. Mais il faut que Monsieur Ioly aduoüe que quand on sit la permutation, il tesmoigna sort apprehender que la mort de Monsieur l'Euesque de Beauuais n'arriuast pendant que le Courier iroit à Rome; & pour empescher que sa Tresorerie ne tombast en regale, dit qu'il seroit expedient de faire vne reuocation. Monsieur Obry, qui se sioit entierement à la conduite de ceux auec qui il traitoit, creut leur conseil en tout; & comme il auoit consenty à la permutation sans en mettre le traité par escrit, parce qu'ils luy auoient fait apprehender qu'il n'y eust de la simonie, Il ne feignit point de faire cette reuocation, parce qu'ils luy en parlerent comme d'une chose en laquelle il n'y auoit point de mal. Neantmoins à traiter rigoureusement

cette matiere vne telle reuocation estoit vne espece de considence, & le concordat ne pouuoit estre soupçonné de simonie, veu que si les conditions a uec lesquelles ils permutoient estoient iustes, elles ne pouuoient deuenir criminelles pour estre escrittes; cependant Monsieur Ioly dont la conduitte est si estroitte qu'il n'eust pas voulu signer vn concordat de peur d'offenser la pureté des Canons, ne feint pas de proposer vne reuocation de cette nature, & luy qui publie qu'il n'auoit pas voulu accepter la Cure de Sainct Nicolas sans le conseil de son Directeur, ne fait pas scrupule de s'asseurer de la Tresorerie de Beauuais par vn moyen si chatoùilleux.

Article 6. Monsieur Ioly dit, que les amis de Monsieur Obry ayant eu le bruit de la permutation, allerent chez Monsieur d'Ormesson, pour le prier de sçauoir si sans choquer l'un ou l'autre, ils pourroient tesmoigner le desir qu'ils auoient de retenir ledit sieur

Obry dans (a Cure.

Ceux qui furent chez Monsieur d'Ormesson, sont tous les Marguilliers de Sain & Nicolas, tant les anciens, que ceux qui lors estoient nouvellement sortis de charge. Monsieur Obry les trouva en revenant de la campagne sur les neus heures du soir environ vingt ou trente dans sa Sale, qui luy tesmoignerent grand déplaisir de ce qu'il les vouloit abandonner, & si grande passion de le retenir dans la Paroisse, qu'ils allerent tous (quoy qu'il les en voulust destourner) prier Monsieur d'Ormesson de se ioindre avec eux dans ce dessein.

Article 7. Monsieur Ioly dit, que lors que Monsieur d'Ormesson l'alla voir auec les autres Marguilliers pour le prier de consentir à la rupture de la permutation, il protesta que cela dépendoit absolument de Monsieur Obry, & qu'il n'auroit iamais autre senti-

ment que le sien.

Monsieur loly s'est mal souvenu de cette protestation; & quand Monsieut Obry vaincu par les sollicitations de toute la Parroisse de Saint Nicolas, a tesmoigné desirer retenir la Cure, Monsieur loly a fait jouer mille ressorts pour luy faire quitter.

Article 8. Monsieur Ioly dit, que Monsieur Obry tesmoigna à Monsieur d'Ormesson, que comme il n'auoit consenty à permuter sa Cure qu'à cause des trauerses qu'il auoit receuës depuis peu dans la Parroisse, il eust bien souhaité demeurer auec ses Paroissiens,

voyant l'affection qu'ils luy tesmoignoient depuis ladite permutation; mais que dans l'incertitude ou il estoit, il ne vouloit rien faire de son mouuement, & qu'il destroit consulter des personnes de piete, pour se resoudre par leur aduis.

Il est vray que Monsieur Obry eut regret de quitter S. Nicolas, quand il vit l'affection que luy portoient les Paroissiens; mais il n'est pas vray qu'il ayt dit à Monsieur d'Ormesson qu'il vouloit consulter s'il demeureroit auec eux, au contraire il luy dit, que puis que Monsieur Ioly luy auoit donné sa parole de rompre la permutation, volontiers il demeureroit dans sa Cure.

Article 9. Monsieur Ioly dit, que Monsieur Obry fit une visite à Monsieur d'Ormesson, pour luy dire qu'il auoit consulté des gens de pieté, sur la resolution qu'il auoit à prendre, lesquels luy auoient respondu que cette affaire estant commune auec Monsieur Iely, ils ne pounoient luy donner aucun conseil sans son consentement, & qu'il pria Monsieur d'Ormesson de faire consentir Monsieur Ioly à une

Conference de Docteurs sur ce sujet.

Il est vray que Monsieur Obry, plustost pour satisfaire à Monsieur d'Ormellon qu'à loy-melme, auoit consulté le Pere Vincent, le Pere Bagot, & le Pere Bertat; mais il n'est pas vray que ces trois personnages luy eussent conseillé de ne rien faire sans le consentement de Monsseur Ioly; au contraire, le Pere Vincent apres auoir exhorté Monsieur Obry à demeurer dans fa Cure, luy conseilla de faire infinuer la reuocation qu'il auoit faite, afin d'obliger Monsieur Ioly à tenir la parole qu'il auoit donnée à Monsieur d'Ormesson: Le Pere Bertat pareillement, apres auoir examiné la conduite de Monsieur Obry en l'administration de sa Cure, luy dit qu'il l'a deuoit retenir, & passa iusques à luy dire qu'il ne l'a pouvoir quitter fans peché; Enfin le Pere Bagot fut de mesme aduis: Monsieur Obry apres auoir pris leurs sentiments dans le particulier, les fit assembler tous trois, (parce que le Pere Vincent le desira ainsi) & le resultat de leur Assemblée fut que Monsieur Obry deuoit continuer à la Parroisse de S. Nicolas les mesmes services qu'il luy avoit rendus iusques alors en qualité de Pasteur. Apres cette Conference Monsieur Obry fut voir Monsieur d'Ormesson simplement pour luy tesmoigner la joye qu'il auoit de pouuoir selon

fes inclinations, & auec le repos de sa conscience demeurer dans la Parroisse; De sa part Monsieur d'Ormesson luy promit de voir Monsieur Ioly pour le sommer de la promesse qu'il auoit faite de rompre la permutation; & ce qui est notable, c'est, que quand Monsieur d'Ormesson sur la voulut auant pour prier Monsieur Ioly de tenir sa parole, il voulut auant partir obliger Monsieur Obry par serment à ne plus quitter S. Nicolas, & d'esse Monsieur Obry luy jura à luy & aux autres Marguilliers de viure & mourir auec eux.

Article 10. Monsieur Ioly dit, qu'il consentit à la Conference

de Docteurs que Monsieur Obry auoit proposée.

Monsieur Obry n'auoit plus besoin de consultation, apres celle qu'il auoit faite; & la Lettre que l'on rapporte de luy en cét Article, fait bien voir que ce n'estoit point luy qui proposoit cette Conference, puis qu'il escrit qu'il y consent; mais pour connoistre tout l'artifice dont Monsieur Ioly s'est seruy pour tirer ce consentement, Il est important d'observer qu'apres que Monsieur d'Ormesson conjointement auec les autres Marguilliers de S. Nicolas, eut obligé Monsieur Obry à jurer qu'il viuroit & mouroit dans la Parroisse, Il alla aux Incurables prier Monsieur Ioly de rompre la permutation, suiuant sa parole; & luy dire que Monsieur Obry auoit consulté trois personnages de pieté, suiuant l'aduis desquels il auoit resolu de retenir sa Cure; Monsieur Ioly, de qui l'on deuoit attendre tout, apres ce qu'il auoit promis, au lieu d'vne response precise fit vn sermon à Mosseur d'Ormesson, & luy dit qu'il falloit bien que Monsieur Obry eust obmis quelque chose de decisif dans » la consultation qu'il auoit faite, que deux ne pouuoient pas » estre appellez en mesme temps à la Cure de S. Nicolas, que de » sa part il ne pouuoit douter d'y estre bien appellé, apres ce qu'il » auoit fait pour sonder sa Vocation; qu'au reste les Marguilliers » de S. Nicolas & Monsieur d'Ormesson mesme ne pouuoient » sans peché retenir Monsieur Obry dans la Cure s'il y auoit du » defaut en la Vocation; qu'ils devoient consulter en cette oc- » casion leur conscience & non pas leur tendresse, & que pour » luy il ne consentiroit à la rupture de la permutation que par » l'aduis de ses Directeurs, tant il craignoit d'engager son salut, » en ne respondant pas à sa Vocation. Comme il sçait parfaite- "

B

ment l'art de persuader, il tourna si advantageusement pour ses interests l'esprit de Monsieur d'Ormesson, qu'il luy sit oublier la parole qu'il luy auoit donnée peu de temps auparauant, & il le ietta si adroitement dans le scrupule, que dés lors Monsieur d'Ormesson pensa que pour descharger sa conscience, il devoit changer toute sa conduite; en effet, il s'employa depuis entierement à persuader à Monsseur Obry de consentir à vne Conference de Docteurs qui peussent resoudre lequel des deux estoit le mieux appellé à la Cure de S. Nicolas; Il ne se passoit point de iour qu'il ne rendist deux ou trois visites à Monsieur Obry, fouuent mesme comme s'il se fust desié du credit qu'il auoit sur Monsieur Obry, il y sit aller Monsieur & Madame de Marillac, Monsieur de Garibal, Monsieur de Forcoal, & plusieurs personnes de condition; enfin pour n'obmettre aucun moyen, Monsieur d'Ormesson vint vn iour auec vne Lettre que Monsieur Ioly luy auoit escrite touchant la Vocation, qu'il fit lire à Monsseur Obry; cette Lettre tendoit à le ietter dans quelque incertitude qui l'obligeast de nouueau à recourir aux Casuistes, & à se soumettre au jugement de quelques Docteurs, du sentiment desquels on sçauoit que l'on s'asseureroit: apres l'auoir leuë, Monsseur Obry dit à Monsseur d'Ormesson, qu'il demeuroit d'accord de toutes les maximes dont Monsieur Ioly auoit remply sa lettre, mais qu'il n'en pouvoit tirer aucune consequence contre le dessein qu'il auoit de demeurer dans la Cure de saint Nicolas. Monsieur d'Ormesson le pressa de faire réponse à cét écrit, ce que Monsieur Obry refusa d'abord, comme vne chose inutile; neantmoins, apres des prieres si instantes, qu'il ne s'en pût deffendre, 33 il écriuit à Monsieur d'Ormesson: Qu'il conuenoit auec Mon-» sieur Ioly, qu'il faloit vocation pour le Sacerdoce, qu'il en fa. " loit pour chaque Ministere, & qu'il en faloit specialement pour » faire dignement les fonctions d'vn Curé, mais qu'il auoit pei-" ne à accorder la conduite de Monsseur Ioly, auec ses maximes, » veu que la meilleure marque d'vne vocation, est la costance & " l'assiduité dans le Ministère où l'on est appellé, & que cepen-» dant, Monsieur Ioly auoit esté Chanoine de Verdun sans y re-» sider, quoy que cette prebende sût au Diocese dont il estoit Pre-3) ftre, (ce qui semble estre vne puissante vocation:) qu'il avoit esté auparauant Curé de S. Maurice dans la Marche, & que " loin de s'attacher à cette Eglise comme à sa chere espouse, il l'a- " uoit abandonnée pour vn profit qui rendoit son diuorce plus " criminel : que depuis il auoit esté pourueu de la Thresorerie " de Beauuais sans y resider, non plus que dans son Canonicar," quoy que Monsieur de Berziau ne luy eust resigné cette Thre " forerie, qu'afin qu'il eust occasion de prescher, & d'exercer au " profit des ames, ce grand talent qu'il a de persuader; & qu'en " fin, s'il auoit esté bien appellé à l'vn des trois benefices prece- " dens, il n'y auoit point d'apparence qu'il le fût à la Cure de S. " Nicolas, l'esprit de Dieu n'estant pas si changeant : Monsieur " Obry crût mesme pouvoir dire de soy, qu'il avoit esté plus con " stant dans sa vocation, puis qu'il avoit esté depuis trente-trois " ans au seruice de la Parroisse, ou comme Vicaire, ou comme " Curé, que ce n'auoit pas esté par vne volonté changeante qu'il " auoit medité sa retraite depuis peu, mais seulement par la crain." te d'estre mal auec ceux qu'il auoit tant cheris, si bien que ne " voyant plus occasion de craindre cette diuision, & apres les " protestations d'amitie de tous Messieurs les Marguilliers an. " ciens & nouueaux, il croyoit devoir demeurer dans sa Cure," veu principalement que Monsieur Ioly auoit donné sa parole " de n'y point apporter d'obstacle : ce fut à peu prés en ce sens " que Monsieur Obry écriuit à Monsieur d'Ormesson, & c'estoit pour luy complaire, qu'il luy auoit enuoyé cette lettre. Cependant Monsieur d'Ormesson, apres l'auoir veuë, en témoigna de la fascherie, & parut irrité: Monsieur Obry connût par là qu'il estoit absolument dans les interests de Mosseur Ioly; c'est pourquoy il luy dit, que si la peur de déplaire à Messieurs les Marguilliers, l'auoit fait resoudre vne fois à quiter S. Nicolas: il n'auroit pas grand peine à le faire vne seconde fois pour luy plaire, & qu'il ne contesteroit plus auec Monsieur Ioly, s'il le desiroit pour Curé: Monsieur d'Ormesson n'osa pas dire ouuertement qu'il le souhaitoit, mais pourtant vsant du pouuoir que Monsieur Obry luy donnoit en ce moment, il luy offrit vne feuille de papier blanc, sur laquelle il luy sit écrire ces

le consens que Monsieur Ioly nomme trois personnes de probité, pour conferer auec les trois que i'ay consultez, pour déterminer conscien-

ment on tira ce consentement de Monsieur Obry.

Art. 11. & 12. Monsieur Ioly dit, qu'il nomma ses arbitres, & que ceux de Monsieur Obry estans entrez en conference auec eux, il fut

dit qu'on ne changeroit rien à la permutation.

Ce succez fait voir que Monsseur Ioly sçait bien faire ses parties: par l'examen des articles precedens, on a veu auec quelle adresse il auoit obligé Monsieur Obry à se soûmettre à l'aduis de six personnes : lcy il faut remarquer que Monsieur Ioly ayant choisi trois arbitres dont il estoit fort asseuré, sit tous ses efforts pour en gagner vn de ceux qui auoient desia conseillé Monsieur Obry: dans ce dessein il mit tant de Deuotes en campagnes, & fit representer de si belles choses au Pere Vincent, que luy, qui auoit conseille à Monsieur Obry de faire insinuer sa reuocation, & de s'en seruir, au cas que Monsieur Ioly ne voulust pas consentir à la rupture de leur traité; enfin luy qui non content d'auoir conseillé Monsieur Obry dans le particulier, auoit encore demandé à voir les Reuerends Peres Bagot & Bertat en coference, ausquels il parla de la conduite de Monsieur Obry, comme de celle d'vn Pasteur sans deffaut, ne laissa pas de passer à l'aduis des trois arbitres de Monsieur Ioly, sans que la fermeté des Peres Bagot & Bertat, le peussent retenir dans son premier aduis, où il auoit paru si fort confirmé, auant les brigues & sollicitations de Monsieur Ioly.

Article 15. Monsieur Ioly dit, que Monsieur Obry se Soumit

auec joye à la decision de ces six Personnages.

Si ce ne fut auec ioye, ce fut du moins auec resignation; & l'on peut icy remarquer la disserence de ces Ecclesiastiques par leur procedé; Monsieur Obry s'est soûmis à cette decision toute desaduantageuse, & possible toute injuste qu'elle estoit, parce qu'il auoit promis de s'y soûmettre: Et Monsieur Ioly auoit promis quelque temps auparauant à Monsieur d'Ormesson de rompre la permutation si Monsieur Obry le desiroit, & cependant il n'en a rien fait.

Article 14. Monsieur Ioly dit, qu'en a fait dresser des Lettres Patentes, portant permission de couper des bois de haute sutaye pour reparer le Chasteau de Terines, que Monsieur Obry a fait mettre en parchemin sous son nom, apres les auoir fait corriger par son conseil.

Ces

Ces Lettres patentes n'ont point esté faites de l'aduis du conseil de Monsieur Obry: au contraire son conseil les a trouué desaduantageuses pour luy, parce qu'elles le chargent de la reparation du Chasteau, laquelle doit estre faite à la diligence de Monsieur Ioly; mais pour monstrer que ce n'est point Monsieur Obry qui a fait dresser & expedier les Lettres, c'est qu'elles sont encores entre les mains de Monsieur Ioly, & Monsieur Obry n'en sçait le contenu que parce que Monsieur Ioly luy en a dit.

Article 15. Monsieur Ioly dit, que Monsieur Obry le mit en possession de la Cure de Saint Nicolas, apres que ses provisions surent arrivées.

Il faut remarquer que Monsieur Obry ne sçauoit pas encore le peu de valeur de la Tresorerie de Beauuais, & que s'il
l'eust sceu il n'auroit pas mis Monsieur Ioly en possession de la
Cure; car tout ce qui s'estoit passé iusques alors entre eux,
n'estoit qu'vn demessé sur vn scrupule adroitement excité par
Monsieur Ioly, touchant la vocation, duquel il a tiré deux aduantages: Le premier est, que la Cure luy est demeurée iusques à present: & le second est, qu'il a si bien occupé Monsieur
Obry neus ou dix mois de suitte, qu'il n'a peû durant ce temps
apprendre la valeur de la Tresorerie.

Article 16. Monsieur Ioly dit, que neuf mois apres la prise de possession, Monsieur Obry le sit assigner, pour voir dire que la premiere demy année escheuë de la Tresorerie luy seroit payée; Monsieur Ioly adjouste, que cette demy année luy estoit deue à cause des

payemens reculez.

Cette question se doit traicter deuant les Iuges; mais pour rendre raison du fait, il faut noter que quand Monsieur Obry presenta cette requeste, il n'auoit point encore appris la lezion qui luy auoit esté faicte dans la permutation, c'est pour quo y il ne demandoit que la demy année, & non le regrez.

Article 17. Monsieur Ioly dit, que pour estoufer ce procez en sa naissance, il pria Monsieur Obry de prendre des arbitres, & qu'apres y auoir consenty, ledit sieur Obry s'en dédit par une lettre.

Monsieur Obry n'a point voulu d'arbitres en ce rencontre: il sçauoit par experience que Monsieur Ioly est trop bon soliciteur, & que quand il n'a qu'vne ou deux personnes à per-

C

fuader, il a bien tost ce qu'il souhaitte. Au reste il ne faut point tirer consequence de la lettre escritte par Monsieur Obry sur ce suier: car s'il dit en vn endroit qu'il a trouué vn amy qui s'offre de poursuiure le Procez de la demy année en pure perte, c'est qu'en effet ce Procez est sans difficulté. Cét amy qui entend mieux les affaires que Monsieur Obry, pour l'asseurer du succez, luy dit qu'il ne craindroit pas d'auancer cette somme: mais il ne s'ensuit pas que le droit luy en ait esté cedé; & si Monsieur Obry adiouste dans sa lettre que ce mesme amy luy a offert deux mil deux cens liures pour chacun terme de la Tresorerie, il ne s'ensuit pas qu'elle vaille à beaucoup prés de cette somme; car ny Monsieur Obry, ny son amy ne sçauoient alors ce que c'estoit que ce Benefice: mais comme Monsieur Ioly en auoit parlé fort auantageusement à Monsieur Obry, Monsieur Obry en parloit de meime; si bien qu'à l'entendre parler, on luy dit que si les choses estoient telles qu'il les representoit, on luy donneroit bien deux mil deux cens liures pour demy année, mais iamais ces offres n'ont esté reiterées, & pour dire le vray, elles n'ont esté faites que par deuis; que si Monsieur Obry en a parlé dans sa Lettre comme d'vne chose effectiue, c'est que cela luy servoit de pretexte pour ne se pas mettre en arbitrage, & certainement il auroit eu tort de le sousmettre au jugement de ceux que l'on luy proposoit pour arbitres, car c'estoient les mesmes personnes qui dans les premieres negociations luy auoient tant fait paroistre de chaleur pour les interests de Monsieur Ioly: & ce qui est notable, c'est que l'vn d'eux à qui Monsieur Obry se fioit, tant qu'il luy auoit promis de le prendre pour arbitre, descouurit le secret dudit sieur Obry au sieur Ioly mesme; on peut iuger delà quel succez auroit eu cét arbitrage; & si Monsieur Obry n'eut pas raison de chercher vn pretexte comme celuy de sa Lettre pour se dégager honnestement, & ne pas dire ouuertement à tant de gens dont il respecte la condition, qu'il ne les vouloit point pour luges.

Dans ce mesme Article, Monsieur Ioly commence à parler de la seconde requeste presentée par Monsieur Obry, asin de rentrer

dans sa Cure.

Ce qui donna occasion à Monsieur Obry de presenter cette

requeste, sut qu'on luy sit voir l'enorme lezion que la permutation luy faisoit; il apprit en mesme temps que non seulement la Tresorerie valoit la moitié moins qu'on ne luy auoit fait croire, mais encores qu'il y auoit de grandes reparations à faire, outre le Chasteau de Terines, & de grandes charges à acquitter, outre celles qui sont mentionnées au bail qu'on luy auoit fait voir.

Article 18. Monsieur Ioly nomme plusieurs personnes de condition qu'il dit s'estre voulus messer de l'accorder auec Monsieur Obry, sur ce nouueau différend, & que Monsieur le President de Mesme

les assembla chez luy à cet effet.

Ce ne fut point Monsieur le President de Mesme qui prouoqua cette Assemblée, mais il a souffert qu'elle se sist chez luy, parce que toutes ces personnes de condition (qui sont si amis de Monsieur Ioly) l'en auoient prié; Que si Monsieur Obry n'a point voulu passer par l'aduis de cette Assemblée, c'est qu'elle n'estoit composée que de gens que Monsieur Ioly auoit suscitez, & qu'elle estoit toute formée auant que Monsieur Obry en eust ouy parler.

ce, les Iuges conuinrent qu'il n'y auoit point de lieu au regrez: mais que s'estans trouuez de differends sentimens sur le reuenu de la Tre-

sorerie, on auoit appointé les parties à mettre leurs pieces.

Monsieur Ioly est bien instruit des sentimens de ses Iuges, puisqu'il sçait en quoy ils estoient d'accord, & en quoy ils estoient partagez; mais à vray dire il paroist bien qu'il parle sans sçauoir, & qu'il entend bien mal la maniere de prononcer; car si les Iuges estoient conuenus, qu'il n'y a point de lieu au regrez, ils auroient mis sur le champ les parties hors de Cour sur ce chef, au lieu que les ayant appointées simplement à mettre, l'on voit qu'ils sont conuenus en la question de droist, qu'il y auoit lieu au regrez posé la lezion dont Monsieur Obry se plaignoit; & que ne pouuant pas discuter ce faict de lezion à l'Audiance, ils n'ont appointé les parties que pour l'examiner sur les pieces.

Article 20. & 21. Monsieur Joly parle de quelques accommode-

mens proposez parluy, & refusez par Monsieur Obry.

Si l'on eust voulu mettre la Cure en compromis, & conue-

nir d'Arbitres non suspects, Monsieur Obry eust consenty à prendre des Arbitres; mais on luy a tousiours proposé des gens amis de Monsieur Ioly, & des formes de compromis tout à fait contraires à sa pretention; c'est pourquoy il n'a voulu entendre à aucun accommodement: & ce qui luy sit soupçonner que l'on ne luy en faisoit la proposition qu'auec dessein de luy nuire, c'est que toutes les fois qu'on luy en a parlé, on la pressé de declarer, mesme par escrit, toutes les personnes de la Parroisse qu'il auoit pour suspectes, (afin disoit-on d'en nommer d'autres,) & il est certain qu'on ne luy demandoit cette declaration qu'afin d'engager ceux qu'il recuseroit dans le party de Monsieur Ioly, lequel ne cherchoit qu'à se fortisser par brigues.

Article 22. Monsieur Ioly dit, que Monsieur Obry proposa à

l'Assemblée des Curez de passer par leur aduis.

Cela monstre que si Monsieur Obry auoit resusé d'autres accommodemens, ce n'auoit pas esté par vn esprit de chican-

ne, mais par la crainte d'estre surpris.

Article 23.24.8 25. Monsieur Ioly dit, qu'en la mesme Assemblée il remonstra qu'il seroit bien difficile de terminer leur différend par ce biais, & d'instruire tous Messieurs les Curez qui sont au nombre de quarante-deux: Il adjouste que depuis Monsieur Fraguier Conseiller a presenté de sa part à Monsieur Obry un compromis, par lequel luy Ioly offre de nommer un ou deux de Messieurs les Curez, si Monsieur Obry en veut nommer de sa part pour Arbitres, auec pou-uoir de choisir à leur insceutel autre des Curez que bon leur semblera

pour sur-Arbitre.

On voit bien que Monsieur Ioly craint la lumiere, Il pretend qu'on ne peut instruire Messieurs les Curez, par ce qu'ils sont quarante-deux, comme si vn nombre pareil ou plus grand nuisoit dans les Chambres du Parlement; il faut qu'il aduoüe qu'il a apprehendé ce nombre, parce qu'il auroit trop partagé ses sollicitations; & quoy qu'il ait force deuotes, & beaucoup de gens à Carrosse qui courent volontiers pour luy; il a creu en cette occasion qu'il seroit plus commode de n'auoir qu'vn homme à gouuerner; c'est par cette mesme raison qu'il a tousiours demandé des Arbitres: & pour monstrer que Monsieur Ioly n'a pas cherché les plus courtes voyes, c'est que Monsieur Obry pria Monsieur Fraguier de luy proposer qu'ils allassent ensemble 12

ensemble hors de Paris auec seurs papiers, pour choisir vn Iuge inconnu dans la premiere Ville, & luy soûmettre seur differend, ce que Monsieur Ioly ne voulut pas executer. Au reste tous Messieurs les Curez sçauent que Monsieur Obry souhaitoit qu'ils terminassent l'assaire en qualité de Iuges (qui est vne qualité laquelle ne soussire point que l'on se partage comme celle d'Arbitre,) que mesme on auoit arresté à la premiere Assemblée, où l'on en parla, qu'ils en connoistroient; mais que Monsieur Ioly eut si peur qu'à l'Assemblée du mois suivant ils ne voulussent proceder tout de bon au jugement de ce disserend, qu'il sit donner trois Auenirs à la grand' Chambre, pour empescher qu'ils n'en connussent.

Article 26. Monsieur Ioly parle d'un Deuolutaire qui le pour-

fuit.

Cela ne regarde point Monsieur Obry, il ne prend point connoissance de cette procedure; tout ce qui le surprend est, qu'il auoit creu traitter auec vn homme dont la vie estoit toute pure & sans soupçon, quand il a traité auec Monsieur Ioly; cependant il semble qu'il faille autant se desier de sa conduite que de sa parole, si le Deuolutaire a autant de raison en sa pretention que Monsieur Obry en a dans la sienne.

Dans l'Article 27. & dans le reste de son Factum, Monsieur Ioly sait vn raisonnement à sa mode sur le procez, auquel on respondra dans l'Audiance où se doit vuider l'appel de la Sentence renduë aux Requestes du Palais; Le present Examen n'ayant esté que pour saire connoistre de quelle nature sont les

faicts auancez par Monsieur Ioly.

Pour ce qui est des pieces, dont il a inseré vn Extraist dans le mesme Factum, il n'y en a aucune qui n'ayt son contredit, & aux inductions de laquelle Monsieur Obry ne satisface en temps & lieu, tant pour la question principale, que pour le reculement des payemens pretendu par Monsieur Ioly; & parce que Monsieur Obry ne veut pas faire vn procez par écrit d'vne cause d'Audiance, il ne veut pas comme Monsieur Ioly saire vne production de ses pieces dans son Factum.

Au reste, dans l'Extraict que Monsseur Ioly a fait des pieces dont il se serressément oublié des mots qui changent le sens à son aduantage; joint que ce sont toutes pieces qui n'estant point passées auec Monsieur Obry, ne luy peuuent nuire; & comme on luy a promis vn Benefice de cinq mil deux cens liures de reuenu, il ne sussit pas de luy representer vn Bail qui porte cette somme, & qui ne peut auoir d'execution, ou des comptes de Receueurs faits à plaisir & sous seing priué; il faut monstrer que ce Benefice a valu & vaut encore cette somme: Ce poinct est le principal du procez, & Monsieur Ioly l'a si bien reconnu, que pour donner quelque couleur à sa dessense; il a inseré dans son Factum vn pretendu estat de la valeur de la Tresorerie, montant à sept mille huict cens quinze liures quinze sols, toutes charges payées; ce qui est vne pure illusion.





